

Prvi sastanak međunarodne komisije za Savski bazen održan u OHR-u Brčko

Pakt stabilnosti za jugoistočnu Evropu je danas u OHR-u Brčko organizovao prvi sastanak Međunarodne komisije za Savski bazen. Sastanak je vodila gđa Beate Grzeski, direktor radnog stola II Pakta stabilnosti, a domaćin sastanka bio je supervizor za Brčko, Henry L. Clarke.

Na sastanku na kojem je započeta implementacija Pisma o namjerama kojeg su 29. novembra 2001. u Sarajevu potpisali ministri, okupile su se delegacije Bosne i Hercegovine, Republike Hrvatske, Republike Slovenije, Savezne Republike Jugoslavije i Kancelarije visokog predstavnika, kao i predstavnici mnogih mogućih donatora. Pismo o namjerama poziva države u Savskom bazenu da sarađuju u cilju uspostave plovidbe, održavanja i obilježavanja internih plovnih puteva na rijeci Savi i njenim pritokama kako bi se regulisao međunarodni režim plovidbe, promovisao održiv razvoj Savskog bazena regulisanjem korišćenja, zaštite i upravljanja vodama Savskog bazena i odgovarajućim resursima.

Formalno su osnovane dvije radne grupe: Međunarodna komisija za Savski bazen zadužena za izradu sporazuma i Međunarodna komisija Savski bazen zadužena za rehabilitaciju i razvoj.

Dr Hasan Dervišbegović, ambasador BiH bez portfelja, je jednoglasno izabran za kopredsjedavajućeg inicijative međunarodne komisije za Savski bazen.

Današnji sastanak je prvi u nizu sastanaka koji će se održavati

u narednih nekoliko mjeseci u cilju razmatranja potrebe da se revitalizira razvoj Savskog bazena. Zemlje u slivu rijeke Save priznaju da prirodni resursi rijeke Save predstavljaju prirodna dobra od neprocjenjive vrijednosti za sve zemlje u slivu rijeke Save po pitanju ekonomske i društvene dobrobiti i životnog standarda njihovih naroda.

Zaključeno je da će se svi budući sastanci Komisije održavati u Brčko Distriktu, u prostorijama OHR-a Brčko.

Molimo vas da se za detaljnije informacije obratite kancelariji OHR-a Brčko, službeniku za odnose s javnošću, Suzani Pejčić na telefone 049/206-666 ili 061/133-526.